



Ban sembra awe pa kosechá mañan

Ekonomia nobo i moderno ta fundeshi pa futuro

Shonnan, trabou tin, man na obra!

Ta di gran importansia pa e kresementu ekonómiko riba término kòrtiku kontribuí atrobe na proveé e medionan ku nos mester pa mantené tur kos na Kòrsou na un bon nivel pa tur hende. E espektativa ta sinembargo ku mas pronto ku esaki por sosodé ta na 2020, kontal ku ta tuma akshon mesora.

Pues ta sumamente esensial pa ekonomia krese bèk, ku aktividatnan nobo, ku invershonnan ku ta oumentá gradualmente, ku mas empleo super produktivo, i ku mas eksportashon i ménos importashon pa kibra e sírkulo visioso.

Mester organisá ekonomia i su kresementu di otro forma ku un enfoke riba e elementonan klave aki.

E plan di akshon pa esaki mester ta basá riba e 'Plan di Implementashon Strategia di Kresementu' ku Gobièrnu a traha. E mester ta sufisiente robusto ku bista riba halsa i mantené e konfiansa nesario den futuro di ekonomia di Kòrsou, i alabes e mester ta dirigí riba krea un klima ekonómiko kaminda Kòrsou haña bida atrobe.

Mester duna atenshon na agilisá kondishonnan pa medionan fluktua i bai den sektornan nobo. Pues medio disponibel mester ta dirigí riba desaroyonan nobo i moderno. Esaki ta konta pa tur área di atenshon, inkluso desaroyo sosial. Meskos tambe mester di ménos burokrasia, i un maneho di imigrashon responsabel komo parti di transishon ekonómiko; no tin nada robes den importá hende kapasidat, inovativo i produktivo pa yuda stimulá un ekonomia nobo i moderno.

Shonnan, trabou tin, man na obra!

pa mas informashon: www.kvk.cw